

excurrunt. *Mons Pinifer* a Pinuum in eo crescentium abundantia dictus (hic in Nariscorum ora situs est) oriens in montanis Marchionis Brandenburgensis, inter Franconiam, Voithlandiam ac Bohemiam intra spatium duum ferme millium pass. quatuor inclytos Amnes, non sine admiratione & Naturæ majestate effundit, in quatuor Mundi cardines, Mœnum videlicet Francicum, Salam Turingicum, Nâbum Bavaricum, Egramque Bohemicum. Idemque Mons Auri, Argenti, Argenti vivi, Ferri, Sulphurisque Mineris foetus. Gemmarum etiam Fodinas exhibet. Silvis regio tota tanquam nativo muro circumdatur, cujus pars ea quæ inter Occidentem & Septentrionem porrigitur, *Gabreta* Silva Strab. dicitur, *Gabriva* Ptol. Portio vero quæ a Meridie ad Danubium usque pertingit *Luna Silva* Ptol. vocatur, hodie *Passavica Silva*, *Der Passawerwaldt*: versus Occidentem, qua Moraviæ contigua est *der Schieb* dicitur. Regnū *Bohemia* a Carolo, qui anno *CI DCCC LXVI* factus est Rex & Imperator, divisum fuit in *XII* Regiones, quibus singulis annuatim præsunt Capitanei, Baro unus, & alter ex ordine Equeltri, qui primū lites minores cognoscunt inter subditos diversorum Dominiorum. Secundo, si qui emergant latrones, licet iis convocare vicinam sibi que subjectam Nobilitatem ad grassatores comprehendendos. Tertio, bello fortuito incumbente, quilibet ad suum se recipit Præfectum. Invenio in hoc Regno nominari Burggraviatū *Carlstein*, ubi Regni Corona asservatur. Comitatus *Lobkowitz*, *Hassenstein*, *Litzkau*, *Camerhau*, *Passan*, *Melnick*, *Rosenberg*, *Hradetz*; Dominia, *Hafenburg*, *Leip*, *Perstain*, *Dobitschaw*, *Walstain*, *Roschateck*, *Dachau*, *Totnick*, *Wartenberg*, *Schellenberg*, *Kost*, *Schmirus*, *Lissaw*, *Kunewaldt*, *Dessaw*, *Schonpeck*, *Slawa Grossen Bora*, *Liebenstain*, *Ippendorff*, *Graderz*, *Colourat*, quorū quædam fortasse sunt Comitatus. Barones, *Trachenberg*, *Milluscb*. *Praga* sede Archiepiscopi ornata est a Carolo Rege Bohemiæ & Imperatore, illique additus Suffraganeus Episcopus *Litomislensis*. Ad mores venio: de quibus Ioannes Dubravius sic scribit: Tum Morum, tum ipsius Habitus, quem corpore Boiemi præ se ferunt, Leo animal generosissimum (cujus syderi Boiemi subjacēt) quasi quandam imaginem exprimere videtur, si vel celsam Boiemorum proceritatem vel latum & validum pedus, vel rigidam fulvisque comis vestitam cervicem, si deinde vocis sonum arduum, si oculos micantes, si robur & fiducia virium intueri, volueris. Solet item Leo contemtu in alia animantia, & nonnullo fastu turgere, & greque exarmari, præsertim si per ferociam eum aggrediare. Nec ab hac parte Boiemus degenerat: sed cōtemtum libenter erga alios verbo factoque ostentat suum, ipsamque adeo arrogantiam incessu, gestu, pompa prodit. Est & feroculus cum fastidiose tractatur: insuper ausis perinde ut Leo promptus, atq; in his exsequendis firmus & validus: interim tamen ambitiosus & gloriosus. Rursusque uti Leo cibi avidus: atque in eo condiendo instruēdoque immodice effusus.

Silva.

Vulgimores.

M m m

Bohemia